



Broj/Број: 01/7-50-1-53-2-20/04
Sarajevo/Сарајево: 03.11.2004.

BOSNA I HERCEGOVINA	
PARLAMENTARNA SKUPŠTINA	
BOSNE I HERCEGOVINE	
PREDSTAVNIČKI / ZASTUPNIČKI DOM	
Administrativna komisija	
Primljeno: 28. 12. 2004.	
Org. jed.	Jednost

ZAPISNIK

sa 20-e sjednice Administrativne komisije Predstavničkog doma Parlamentarne skupštine Bosne i Hercegovine, održane u prostorijama institucija Bosne i Hercegovine dana 03.11.2004 godine sa početkom u 10,15 sati. Sjednica je završena u 11,09 sati.

SJEDNICI SU PRISUSTVOVALI ČLANOVI KOMISIJE: Zorić Vinko, Felić Hazim, Ušanović Mubera, Jozo Križanović, Momčilo Novaković, Ivo Miro Jović;

OPRAVDANO ODSUTNI ČLANOVI: Kragulj Nikola;

ODSUTNI ČLANOVI: Blagojević Mirko;

OSTALI PRISUTNI: Jadranka Korać, Šef Računovodstva Sekretarijata Parlamentarne skupštine Bosne i Hercegovine;

Dvadesetom sjednicom, Administrativne komisije Predstavničkog doma Parlamentarne skupštine Bosne i Hercegovine, **predsjedavao je Vinko Zorić prvi zamjenik** predsjedavajućeg Administrativne komisije Predstavničkog doma Parlamentarne skupštine Bosne i Hercegovine.

Za sjednicu je predložen sljedeći:

DNEVNI RED:

1. Usvajanje Zapisnika sa 19-e sjednice Administrativne komisije;
2. Izvještaj o radu Administrativne komisije za period 01.01-30.06.2004 godine;
3. Razmatranje Odluke o poslaničkom mandatu Muniba Jusufovića u Predstavničkom domu Parlamentarne skupštine Bosne i Hercegovine broj: 01-13-789/2004 od 12. oktobra 2004 godine;
4. Informacija po Zaključcima sa 17-e sjednice Administrativne komisije vezano za rješavanje zahtjeva poslanika Izeta Hadžića;
5. Razmatranje Molbe Ive Lozančića po tački XX stav 1 i 4 Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine broj: 01,02/7-126/00 od 11. aprila 2000 godine;
6. Razmatranje zahtjeva Izborne komisije Bosne i Hercegovine za izmjene Odluke o načinu obračuna plaća i ostalih materijalnih prava članovima Izborne komisije Bosne i Hercegovine broj:01/7-011-1190-1/03 od 02.09.2003 godine;

7. Informacija Kancelarije Nacionalnog koordinatora za HiPERB o početku radova na neboderu Trg Bosne i Hercegovine 1;

Dvadesetu sjednicu Administrativne komisije Predstavničkog doma Parlamentarne skupštine Bosne i Hercegovine otvorio je predsjedavajući sjednicom Vinko Zorić i predložio dopunu dnevnog reda, na način da se Zahtjev broj: 01/7-16-3-926/04 od 02.11.2004. godine poslanika Marije Perkanović uvrsti kao tačka AD-7 dnevnog reda, a da se tačka AD-7 predloženog dnevnog reda pomjeri kao tačka AD-8 dnevnog reda. Sa predloženom dopunom, a na prijedlog sekretara Administrativne komisije Predstavničkog doma Parlamentarne skupštine Bosne i Hercegovine predložio je:

ZAKLJUČAK

Administrativna komisija Predstavničkog doma Parlamentarne skupštine Bosne i Hercegovine neće ubuduće uvrštavati u dnevni red materijale dostavljene po slanju poziva za sjednice komisije izuzev hitnih, odnosno materijale prispjele pred održavanje sjednice.

Pošto je predložio dnevni red sa naprijed navedenom dopunom istog i zaključkom predsjedavajući sjednice pozvao je prisutne da se izjasne o dnevnom redu i predloženim izmjenama, odnosno daju svoje primjedbe, prijedloge i sugestije. S obzirom da nije bilo drugih prijedloga, primjedbi i sugestija dat je na glasanje predloženi dnevni red sa predloženom izmjenom istog kao i predloženi zaključak, koji su jednoglasno usvojeni. Nakon usvajanja dnevnog reda dvadesete sjednice Administrativne komisije Predstavničkog doma Parlamentarne skupštine Bosne i Hercegovine pristupilo se razmatranju istog po utvrđenim tačkama.

AD-1 Zapisnik sa 19-e sjednice Administrativne komisije Predstavničkog doma Parlamentarne skupštine Bosne i Hercegovine usvojen je jednoglasno bez primjedbi.

AD-2 Uvodno izlaganje po ovoj tački dnevnog reda dao je predsjedavajući sjednicom Administrativne komisije Predstavničkog doma Parlamentarne skupštine Bosne i Hercegovine i konstatovao da je Izvještaj o radu Administrativne komisije za period 01.01.-30.06.2004. godine korektno urađen, te da se kao takav može uputiti prema Predstavničkom domu Parlamentarne skupštine Bosne i Hercegovine. Nakon uvodnog izlaganja predsjedavajućeg sjednicom Administrativne komisije, prisutni članovi su jednoglasno donijeli:

ZAKLJUČAK

Usvaja se Izvještaj o radu Administrativne komisije za period 01.01.-30.06.2004. godine.

AD-3 Uvodno izlaganje po ovoj tački dnevnog reda dao je predsjedavajući sjednicom Administrativne komisije Predstavničkog doma Parlamentarne skupštine Bosne i Hercegovine. Obrazloženje uz materijal dostavljen za ovu tačku dnevnog reda dao je sekretar Administrativne komisije Predstavničkog doma Parlamentarne skupštine Bosne i Hercegovine, Davorka Čaplinski. U raspravi po ovoj tački dnevnog reda učestvovali su: Momčilo Novaković, Vinko Zorić, Jozo Križanović, Ivo Miro Jović, Jadranka Korać, Mubera Ušanović. Pošto je iscrpljena rasprava po ovoj tački dnevnog reda, predsjedavajući je dao na glasanje prijedlog odluke. Prisutni članovi Administrativne komisije Predstavničkog doma Parlamentarne skupštine Bosne i Hercegovine jednoglasno su donijeli:

ODLUKU

o uvjetnoj suspenziji stalnog profesionalnog radnog odnosa poslanika u Parlamentarnoj skupštini Bosne i Hercegovine

Poslaniku MUNIBU JUSUFOVIĆU uvjetno se suspenduje stalni profesionalni radni odnos u Parlamentarnoj skupštini Bosne i Hercegovine počev od 12.10.2004. godine do donošenja odluke Ustavnog suda Bosne i Hercegovine.

Za vrijeme trajanja uvjetne suspenzije imenovani ostvaruje pravo na naknadu plaće u skladu sa Odlukom o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine broj: 01,02/7-126/00 od 11. aprila 2000. godine.

Imenovanom poslaniku miruju sva prava po osnovu stalnog profesionalnog radnog odnosa u Parlamentarnoj skupštini Bosne i Hercegovine vezana za naknade plaće i druge materijalne naknade utvrđene aktima Parlamentarne skupštine Bosne i Hercegovine.

AD-4 Uvodnu informaciju po ovoj tački dnevnog reda dao je Vinko Zorić predsjedavajući dvadesetom sjednicom Administrativne komisije Predstavničkog doma Parlamentarne skupštine Bosne i Hercegovine. U diskusiji po ovoj tački dnevnog reda uzeli su učešće: Momčilo Novaković, Vinko Zorić, Jozo Križanović, Hazim Felić, Ivo Miro Jović, Jadranka Korać, Mubera Ušanović. Nakon sveobuhvatne diskusije po ovoj tački dnevnog reda prisutni članovi Administrativne komisije jednoglasno su usvojili:

ZAKLJUČAK

Poslaniku Izetu Hadžiću pravdat će se troškovi boravka u Hotelu Novotel u skladu sa potvrdom Hotela od 15.07.2004 godine koja glasi na iznos od 405,70€ za usluge noćenja i restorana u periodu 01.06.-04.06.2004 godine.

Poslanik Izet Hažić je dužan u roku od 5 dana od dana prijema ovog Zaključka izvršiti pravdanje troškova službenog putovanja na Blagajni Računovodstva Parlamentarne skupštine Bosne i Hercegovine.

AD-5 Uvodno izlaganje po ovoj tački dnevnog reda dao je predsjedavajući sjednicom Vinko Zorić. Po ovoj tački dnevnog reda nije bilo diskusije, pa su prisutni članovi Administrativne komisije Predstavničkog doma Parlamentarne skupštine Bosne i Hercegovine jednoglasno donijeli:

ODLUKU
o dodjeli novčane pomoći

I

Poslaniku Ivi Lozančiću, zbog smrti člana njegove uže porodice, dodjeljuje se novčana pomoć u iznosu tri mjesečne plaće isplaćene u prethodna tri mjeseca.

II

Za realizaciju ove Odluke zadužuje se Računovodstvo Sekretarijata Parlamentarne skupštine Bosne i Hercegovine.

III

Odluka stupa na snagu danom donošenja.

AD-6 Uvodno izlaganje po ovoj tački dnevnog reda dao je Vinko Zorić predsjedavajući sjednicom Administrativne komisije Predstavničkog doma Parlamentarne skupštine Bosne i Hercegovine. Nakon uvodnog izlaganja po ovoj tački dnevnog reda učešće u diskusiji su uzeli: Momčilo Novaković, Jozo Križanović, Vinko Zorić, Ivo Miro Jović, Hazim Felić. Po završenoj raspravi o ovoj tački dnevnog reda, prisutni članovi Administrativne komisije su jednoglasno usvojili:

ZAKLJUČAK

Administrativna komisija Predstavničkog doma Parlamentarne skupštine Bosne i Hercegovine smatra da nepostoje zakonski uvjeti za rješavanje Zahtjeva Izborne komisije Bosne i Hercegovine broj: 01/7-50-2-824/04 od 22.09.2004. godine.

U skladu sa diskusijom koja se vodila po ovoj tački dnevnog reda prisutni članovi Administrativne komisije jednoglasno su donijeli:

ZAKLJUČAK

Administrativna komisija Predstavničkog doma Parlamentarne skupštine Bosne i Hercegovine traži od Vijeća ministara Bosne i Hercegovine da preispita odluku o utvrđivanju osnovice za obračun plaća budžetskih korisnika u skladu sa svojim podzakonskim aktima, te odluku

o utvrđivanju visine dnevnice u zemlji i inostranstvu budući da ista nije usklađena sa entitetskim rješenjima.

AD-7 Po ovoj tački dnevnog reda prisutni članovi Administrativne komisije Predstavničkog doma Parlamentarne skupštine Bosne i Hercegovine jednoglasno donijeli su:

RJEŠENJE

1. Mariji Perkanović, poslaniku u Predstavničkom domu, odobrava se naknada za odvojeni život od porodice u iznosu od 400,00 KM mjesečno i naknada za zakup stana do 500,00 KM mjesečno, kao i pravo na naknadu troškova prijevoza, četiri puta mjesečno, do mjesta prebivališta njene porodice.
2. Visina naknade za zakup stana regulisat će se ugovorom o zakupu.
3. Rješenje će se primjenjivati od 01.11.2004 godine.

AD-8 Uvodno izlaganje po ovoj tački dnevnog reda dao je sekretar, Administrativne komisije Predstavničkog doma Parlamentarne skupštine Bosne i Hercegovine, Davorka Čaplinski. Nakon uvodnog izlaganja učešće u diskusiji po ovoj tački dnevnog reda uzeli su Momčilo Novaković i Vinko Zorić. Po završenoj diskusiji po ovoj tački dnevnog reda prisutni članovi Administrativne komisije jednoglasno su donijeli:

ZAKLJUČAK

Prima se k znanju Informacija Nacionalnog koordinatora za HiPERB o početku radova na Objektu 3 zgrade zajedničkih institucija Bosne i Hercegovine.

Pošto je iscrpljen dnevni red, predsjedavajući dvadesetom sjednicom Administrativne komisije Predstavničkog doma Parlamentarne skupštine Bosne i Hercegovine Vinko Zorić zaključio je sjednicu u 11,09 sati.

Sastavni dio ovog zapisnika čini transkript sa 20-e sjednice Administrativne komisije Predstavničkog doma Parlamentarne skupštine Bosne i Hercegovine.

Sekretar
Administrativne komisije
Davorka Čaplinski

Prvi zamjenik predsjedavajućeg
Administrativne komisije
Vinko Zorić